


**Universitäts- und Landesbibliothek Bonn**


**Bank' xratowc' naxni imastasirac'**

**I Venetik, 1853**

**urn:nbn:de:hbz:5:1-12087**

Goussen 3088 (1)





Ս Ո Փ Ե Ր Ք

Հ Ա Յ Կ Ա Կ Ա Ն Ք

*U.*

3088

ԲԱՆՔ ԽՐԱՏՈՒՑ

Ն Ա Խ Ն Ի

Ի Մ Ա Ս Տ Ա Ս Ի Ր Ա Ց




Ի ՎԵՆԵՏԻԿ

Ի Գործարանի Մխիթարյանց

1855

3088



# Պ Ա Տ Ճ Ա Ռ Ք

## ՍՈՓԵՐԱՑՍ ՀԱՅԿԱԿԱՆԱՑ

Զանախեղծան և զգեղագոյնս  
յարդեանց տխեղծացեալ և գե-  
ղատխուր հայրենեաց մերոց, զեր-  
կունս բանաւորս արգասու մտաց  
հարց և հիմանց տանս Թորգոմայ,  
զընտիր ընտիր դիւանան ասեմ  
հայերէն գարութեանց, 'ի քսան  
և եւթն ամաց հետէ 'ի շար մատե-  
նագրութեան արկեալ և դրոշմա-  
դիծ հրատարակեալ յերկուս չափս,  
'ի մեծ և 'ի փոքր, զմին Մատենա-  
գրութիւնս Նախնեաց կոչելով և  
զմիւսն ընտիր Մատենագիրս,  
տուաք հատորս բանից առաւել

քան զերեսուն, 'ի վայելս մերոց  
բանասիրաց. յորոց թէպէտ և ըստ  
յուսոյ մերոյ գտաք զնոսին յար-  
գեալս, մինչ և ոմանց յայնցանէ եր-  
կիր և երկր ընդ մամուլ անցանել  
տարագրութեամբ, այլ արդեօք ոչ  
ըստ չափու փափաքանացս և ոչ ըստ  
արժանեաց այնքան նոցին սլա-  
տուականութեանն՝ մեծարեալս .  
և այս 'ի թուլութենէ իմեքէ ար-  
դեօք ուսումնասիրութեանն ջա-  
նից, ըստ սրտառու չմեղագրութեան  
Քերդողահօրն մերոյ, եթէ առ ան-  
ձեռնհասութեան 'ի ստացուած  
ստուար մատենից, ոչ է մեզ դա-  
տել աստանօր: Բայց մեզ կամ ե-  
ղև բանալ և հեշտին ևս ճանա-  
սլարհ դիւրագնալի փափաքողացն  
'ի գիւտ հանճարիմաց վայելից եր-  
կոց նախնեաց իւրեանց իմաստասի-  
րաց, միանգամայն և դիւրամա-  
տոյցս ընծայել ճաշակս յառհա-

ւառչեայ մթերից մատենագրու-  
թեանց . և ձեռն արկաք տալ 'ի  
լոյս ընտրանաւ զչև ևս հրատարա-  
կեալ բանս նախնեաց՝ որ օրինա-  
կագիր և որ թարգմանած , 'ի մա-  
տենկունս փոքունս , առձեռն և  
գիւրաստանալի , զորս և ՍՈՓԵՐՍ  
ՀԱՅԿԱԿԱՆՍ անուանեմք . և մերձ  
ընդ մերձ հրատարակեմք՝ ոչ այն-  
քան կարգի ժամանակի մատենա-  
գրացն կամ նիւթոյ բանիցն սլատ-  
կառ կալով , որքան փափագատենչ  
և զուարճալի և սխտանացու գը-  
րուածոցն . ցանկանալով կարգել  
զնոսին յօգուտ և 'ի զբօսանս և՛  
հետաքննիցն բանասիրաց և՛ դե-  
ռակիրթ համբալաց , և մանա-  
ւանդ յետնոցս նախաշաւիղս յար-  
դարել զնոսին առ կատարեալ և  
խմբագիր մատենագարան հայ դըս-  
րութեանց :

Այլ ճառել զագնուու թենէ Սո-

փերացս՝ ջան աւելորդ վարկա-  
նիմք, տի նա ինքնին սպասեալ  
մնամք զայնր վկայութիւն յընթեր-  
ցանեւեացն փութոյ ուսանել, յո-  
րոց և զմերոյս՝ ՚ի սոցին հրատարա-  
կութեան զդուզնաքեայ վաստա-  
կոյս՝ ընդունել վարձս, զհաճու-  
թիւն իւրեանց և զօգուտ :

Չնախնի Իմաստասիրացն բանս,  
զորս իբր երախայրիս հայկական  
Սոփերաց՝ ընծայեմք ՚ի վայելս մե-  
րոյ ժողովրդեան, հաւաքեալ ամ-  
փոփեցաք՝ ՚ի հինգ և աւելի գրչա-  
գիր մատենից, յորս ցրիւ սփռեալք  
էին : Յոճոյ և ՚ի հանգամանաց  
Թարգմանութեան քաջայայտ տե-  
սանի՝ երկասիրեալ յայն ուրումն  
յերանաշնորհիցն մերոց Թարգման-  
չաց, և կարգեալ ՚ի խրատ ուսու-  
մնասէր մանկուոյ :

Բ Ա Ն Ք

Ի Մ Ա Ս Տ Ա Ս Ի Բ Ա Ց

Ա

Խոնաստոռքիչևն .

Պղիտարքոս ասէ . Ճանապարհորդք 'ի տուննա և 'ի հայրենիս փութան , և իմաստունք 'ի խելս և յիմաստութիւն :

Ի խորհելն քո օրինակ առ զանցեալն՝ ապառնոյն . քանզի աներեւելն յերեւելեացն փութով տայ զգիտութիւն :

Ար վասն անձին անբարի խորհի , այլում բարի ոչ կարէ խորհել :

Մի՛ խորհել զհեշտալին այլ զազ-  
նիւն :

Յաճախեա խորհել նախ քան  
զառնելն :

Ի գործ մարմնոյ՝ զօրութեան  
պէտք են . իսկ զօգտակարն խորհել՝  
խելացն :

ՅԲիանդոս հարցեալ թէ ո՞վ է  
խորհրդակից ազնիւ , ասէ . Ժամա-  
նակն :

Բաբիոս խմաստասէր ասէ . Պարտ  
է զաւարտն տեսանել և ապա ձեռն  
արկել՝ ի գործ :

Դիմոկրատէս ասէ . Փոփոխումն  
՚ի տեղեաց կամ ՚ի տերանց , ոչ  
խելս բուսուցանեն և ոչ զանխմաս-  
տութիւն բառնան :

Իրոգէս ասէ . Իմանալ զբարի և  
քաղցր խօսել՝ ՚ի մի համարի են :

Դիոգորոս ասէ . Իմաստուն խոր-  
հուրդ վեհագոյն է քան զձեռս  
հզօրաց :

Պիւթագոր ասէ . Ոչ զերկար  
առանց սանձաց , և ոչ զիմաստու-  
թիւն առանց խելաց ստանալի է :

Ողջախոհագոյն է քան զիպիւ

կրիցն և ամբարտաւանիւ, նախ 'ի  
դիպեւոցն պատրաստիւ և պահել  
զանձն իւր, զի մի դիպեացի կրիցն:

ԶՅղեքսանդր յօժարեցուցանէին  
բարեկամքն ստանալ որդիս. և նա  
ասէ. Մի տագնապիք, քանզի թո-  
ղում ձեզ յետամնաց զբանս և զի-  
մաստուծիւն և զարիուծիւնս իմ:

Սա իբրև ելանէր 'ի պատերազմ  
'ի տղայուծեան, ասէ Արիստոտէլ.  
Համբերեա մինչև յաւուրս կատա-  
րեալ հասակի քոյ: Ասէ. Երկրն-  
չիմ, գուցէ կորուսանեմ զերիտա-  
սարգական համարձակուծիւնս:

Ղակոն իմաստասէր քանզի կաղ-  
էր և երթայր 'ի պատերազմ, ասեն-  
ցնա. Զի՞ գործես, զոր չէ սլարտ.  
և նա ասէ. Ոչ փախչողաց է յաղ-  
թել, այլ դադարողաց և ջանոտից  
հանդերձ խելօք:

Զօրուծիւն որ զմիտս և զիմաս-  
տուծիւն ոչ ունի՝ գերեզմանի մատ-  
նէ զունողս իւր:

Ղեւոնիդէս լակեդեմոնացի քան-  
զի սակաւուք երթայր 'ի պատերազմ,  
ասեն ցնա. Սակաւ են զօրքդ. և նա  
ասէ. Սակաւք են՝ բայց յօժարք են:

Մոնիոս ասէ . Յափշտակեա ըզբարւոք մեռանեւն՝ յորժամ պարտէ , զի մի փոքր ինչ յետոյ՝ զմեռանեւն յափշտակեա , իսկ զբարիոքն ոչ :

Պիւռոս երթայր 'ի պատերազմ յոյժ սպառնալեօք 'ի վերայ Ղակեդեմոնացւոցն . յարուցեալ ոմն 'ի ծերոցն ասէ . Եթէ Աստուած է որ սպառնայ՝ մի երկնչիք , քանզի ոչ զոք անիրաւեցաք . ասա թէ մարդ է որ սպառնայ՝ գիտասցէ զի արանց սպառնայ :

Եմպեդոկրատէս ասէ . Ոչ գտի իմաստունս բանի . ասեն ցնա . Որ ինդրէ իմաստուն , նախ պարտ է զի ինքն իցէ իմաստուն :

ԶԴիոդոր հարցեալ թէ զինչ ծանր բառնայ յիւրմէ երկիր , ասէ . Զմարդ անհրահանդ :

Դիմոկրիտէս՝ քանզի պատանի ոմն նստեալ 'ի թէատրոնի ասէր զանձնէ իմաստուն գոլ , քանզի ընդ բազումս խօսեալ եմ իմաստունս , ասէ . Եւ իմ ընդ բազում մեծատունս , բայց սակայն մեծատուն ոչ եմ :

Զգաստից ընդ արբեցողս և իմաստից ընդ անմիտս խօսել չէ պարտ :

Ստիպողոն մեգարացի 'ի կողոպտիլ քաղաքին իւրոյ 'ի Դեմետրէ բռնաւորէ, և յափշտակել ընչից իւրոց, ըմբռնի և ածի առ Դեմետրէս . և 'ի հարցանելն նմա թէ զինչ կորուսեր, ասա՛ զի ժողովեցից և 'ի մի հաւաքեցից և տաց քեզ, ասէ . Յիմոցն ոչ բնաւ . քանզի զոր ունիմ՝ ինձ ունիմ, զբանս և զիմաստութիւնս, և ունեցայց անբառնալի . իսկ յափշտակեալն ոչ ինչ առաւել իմ են քան թէ պաշարողաց քաղաքիս : Եւ երկրորդ անգամ հարցանէ զնա Դեմետրէ ասելով, քանզի սիրէր զնա 'ի հին ծանօթութենէ . Ասա՛, ո՛ Ստիպողոն, մի թէ յափշտակեցա՞ր ինչ . ասէ . Ոչ բնաւ . ոչ եզինք իմ զլուծ տեսին, կամ զվար, և ոչ զիս երիվար . և ոչ 'ի զինուորական սուսերաց 'ի վերայ ուսոց տեսեալ իցեմ, բաց յայսմ օրէ :

Փիլիստոն ասէ . Իմաստից առաւել հոգ տարցիս քան թէ ընչից .

քանզի նովաւ ստանին ինչք, իսկ ընչիւք ոչ ստանի իմաստութիւն :

Կրատէս իմաստուն ասէ . Սկիզբն գիտութեան՝ գիտութիւն գիտութեանց :

## Բ

### Ոչստունն .

Արիստոտէլ ասէր իւրոց աշակերտացն . Ինչս այնպիսի ստանալ որ 'ի նաւակոծութեան և յընկրղման ժամանակի լուղայ զհետ 'ի ծով :

Թէովրաստոս անհմուտ քերթողի ունկն դնէր, և ասէն ցնա . Զոր ասես գու բարիոք . և նա ասէ . Զոր ոչ է քո ուսեալ :

Իմաստասէր ոմն երկուս ստացեալ աշակերտս, ոմն ջանացող և անմիտ և միւսն մտացի և հեղգ . և ընդ չուսանելն նոցա, 'ի բաց վարեաց յինքենէ ասելով . Ի կորուստ

եղիցին երկոքեանդ , զի մինդ կամիս  
և ոչ կարես , իսկ միւսդ կարես՝ և  
ոչ կամիս :

Վարձս մեծամեծս հասանէ վարդապետաց զի առցեն յաշակերտաց իւրեանց . և զայս այսպէս՝ ի զգաստիցն , զի բազում ուսանին . իսկ ի մտակուրացն , զի կոծ բազում տացեն կրել :

Ստիպողոնի մեգարացւոյ դեղագործ ոմն ասէ . Ծեփեա զորմն տանդ զի նկարեցից . և ասէ . Ոչ այդպէս , նախ դեղագործեա և ապա ծեփեցից :

Տիմոթէոսի իմաստասիրի հարցին թէ ո՛ւր ուսար , կամ ո՛վ է վարդապետն քո , ասէ . Ատեանն Աթենացւոց և Ճեմարանն : Զայս ասելով ցուցանէ թէ ջանք և հրմտութիւն իրին՝ վեհագոյն է ամենայն վարդապետութեանց :

Բարեկամոքիչև և Բարեկամք .

Եւրոպիդէս ասէ . Քաջ գիտեմ՝  
զի հարստից և իշխանաց՝ ամենայն  
ոք կամի սիրելի լինել . իսկ աղքատն  
և ՚ի բուն բարեկամէն քակի :

Վալիստրատոս ասէ . Չվիշտս բա-  
րեկամին անձին քում համարեա ,  
և ՚ի քաջաշնորհութեան քում օգ-  
նեա նմա :

Դիոն հռոմայեցի ասէ . Որչափ  
բարեկամ ստացեալ է քո , այնչափ  
խմացիր ունել քեզ աչս և ականջս  
և ձեռս , և յամենայն կողմանց ու-  
նիցիս տեսութիւն և լուր և սիրտ և  
յիմանալ զօգտակարն . և եթէ աս-  
տուած համարիս զքեզ՝ ոչ ինչսխա-  
լեա , մի ունելով անձն և անպակաս  
բարութիւնս :

Վալիստրատոս ասէ . Ոսկի հրով

փորձի , և զբարեկամն վիշտք և նե-  
ղութիւնք փորձեն :

Արիստոտէլ ասէ . Ինչս պարտ  
է ստանալ վասն բարեկամաց , և ոչ  
բարեկամ վասն ընչից :

Զբարեկամ հեռաւոր յիշեսջիր  
առաջի տեսողաց . զի թուեսցիս և  
զնոսա չմոռանալ՝ յորժամ չիցեն  
մօտ :

Յաջողակ է առ 'ի սիրել , որ յա-  
ճախ զանիրաւելն համբերէ :

Դեմոսթենէս նախատեալ լինէր՝  
յաճախ ընդ չարս շրջելով , ասէ .  
Եւ բժիշկք ընդ ախտաժէտս , այլ  
ինքեանք ողջ են :

Փոյթ , սիրելի , յուրախութիւնս  
կոչեցեալ՝ պարտ է գնալ , իսկ 'ի  
վիշտս՝ անկոչ :

Որ ոչ կարեն օգնել բարեկամաց՝  
զանկարութիւն , իսկ որ ոչ կամին՝  
զչարութիւն նշանակէ :

Ճշմարիտ բարեկամ զսէրն քաղ-  
ցրագոյն առնէ և զտրամութիւն  
թեթեւագոյն , և զերկոսեանն կրել  
արուեստիւ :

Կղիտարքոս ասէ . Որպէս զմե-

դուն ոչ վասն խայթոցին ատես, այլ  
վասն պտղոյն սիրես, նոյնպէս և  
զբարեկամ մի յաղագս յանդիմա-  
նութեան ատեար, այլ վասն քա-  
ջամտութեանն սիրեա :

Մենանգրոս ասէ . Որք 'ի ժա-  
մանակի զբարեկամն սիրեն, ժա-  
մանակին և ոչ բարեկամին են սի-  
րելի :

Յանզգամաց մի ստանար բարե-  
կամս, զի մի և դու անզգամ կո-  
չեսցիս :

Զէջ՝ խոշորութիւն ճանապար-  
հին փորձէ, իսկ զքաջամիտ բարե-  
կամն, սուգ և տրամութիւնք ըն-  
տրեն :

Ոչ կարես բարեկամ ճշմարիտ  
ստանալ, մինչև զչարն ոչ հալա-  
ծեսցես :

Եպիկուրոս ասէ . Ոչ երբէք ցան-  
կացայ բազմաց հաճոյ լինել . քան-  
զի որ նոցա հաճոյ էր՝ ոչ ուսայ, և  
զոր իմ ստացեալ էր՝ հեռի է 'ի  
նոցա տրամադրութենէ :

Սոկրատէս ասէ . Որք եղբարս  
ունին և սիրելիս խնդրեն, նման են

որք զիւրեանց անդաստանն թո-  
ղեալ զօտարին գործեն :

Որք միշտ զբարեկամացն խօսին ,  
որ 'ի նոցանէ հեշտութիւնքն են՝  
յետոյ 'ի թշնամանս դառնան :

Պղինիոս ասէ . Որչափ առաւել  
բարեգործես զբարեկամն , այնչափ  
առաւել զօգուտն քո առնես . քան  
զի առ քեզ դարձեալ փոխադրին որք  
'ի նոցանէ քաջամտութիւնքն են :

Փախչել պարտ է 'ի չարեաց սի-  
րելութեանց և 'ի բարեկամաց թրշ-  
նամութեանց :

Բժիշկ և սիրելի ոչ զիւրն , այլ  
զօգտակարն պարտ է խնդրել :

Սեքստոս ասէ . Չխորհուրդ զոր  
'ի ժամանակի սիրելութեան լուար ,  
'ի լուծման սիրոյն մի յանդիմանես-  
ցես . քանզի մնասես անդրէն ոչ  
զսիրելին՝ այլ զսէրն :

Տիմոն մարգատեաց 'ի հարցա-  
նելն թէ ընդէր զամենայն մարդ  
հաւասար ատես , և նա ասէ . Ըզ-  
չարան ատեամ և զանիրաւան , և  
յիրաւի է այս . իսկ զայլն ատեամ ,  
զի նոքա ոչ ատեան զայնպիսին :

Արիստոտէլ ասէ . Հանդիպումն  
փորձութեանց զբարեկամսն փոր-  
ձէ , իսկ զթշնամիսն յանդիմանէ :

Սիրել զանպատեհս և առանց  
ժամու , հաւասար է դնելի ընդ  
ատելութեան :

Դ

Խշխանոչքիւն և Խշխանք .

Արիստոտէլ ասէ . Որք 'ի վերայ  
բազմաց ահեղք են' 'ի բազմաց եր-  
կրնչին . զի յուսմէ ամենեքեան սար-  
սեն , և ինքն յամենեցունց սարսէ :

Դիմոկրիտոս ասէ . Ի կենցա-  
ղուսն փափաքելի պարտ է լինել  
քան ահեղ :

Պարտ է որք խորհին իշխանու-  
թիւն ունել 'ի վերայ այլոց , նախ  
անձանց իւրեանց իշխել :

Վղիտարքոս ասէ . Ընդ անմտացն  
իշխանութեամբ ընտրելի է , քան  
թէ իշխել նոցա :

Յիշխես ին հեզ լեր , և ընդ իշխա-  
նու թեամբ երկայնամիտ :

Թագ թագաւորի զխելս ոչ ու-  
սուցանէ , այլ միտքն է իշխան :

Թէ ընդ իշխանու թեամբ լինել  
ոչ ուսար , իշխան լինել մի համար-  
ձակիր :

Պղատոն ասէ . Որք մեծամեծաց  
առաջի կան , մեծի զգաստու թեան  
սկտք են :

Իշխանն և դատաւորն վասն ար-  
դարոյ աղերսիցի , և մի վասն չարի  
և անիրաւութեան :

Ազէքսանդրոս՝ քանզի տակաւա-  
սկտ նորա զըմսականս ոսկի կորու-  
սեալ խնդրէր մորմոքելով , ասէ .  
Պատանի , մի պատժիր , զի որ ունի  
զնա՝ ընդ մերով իշխանութեամբ է :

Դիոգինէս ասէ . Ընդ իշխանի  
պարտ է կալ որպէս ընդ կրակի . մի  
ամենեւին մտո՝ զի մի այրեսցի , և մի՛  
կարի հեռի՝ զի մի ցրտասցի :

Ագաթոն ասէ . Իշխանն երեք իրս  
պարտի ունել ՚ի մտի . զի իշխան  
մարդկան է , և միւս՝ զի իշխան օրի-  
նաւոր է , և մի՛ զի ոչ միշտ իշխան է :

Եւպանիոս թեզբացի տեսեալ զորս բազումս և գեղեցիկս , զի զօրավար ոչ ունէին , ասէ . Ո՛րսպիտի՛ գազան , բայց գլուխ ոչ ունի :

Եպիքտիտոս ասէ . Եթէ կամիս 'ի տան բարւոք բնակել՝ յեղանակեա իմաստնաբար , ընտրեա զլաւն 'ի վատթարէն , և զվաստակաւորն յանջանէն , զի մի կորուստ տանն 'ի նմանէ եղիցի :

Դիոգինէս ասէ . Չար մեծ է եթէ վատթարքն լաւագունիցն իշխեն . այլ և սաստիկ չար , որ զանմիտս 'ի վերայ իմաստնոյն կարգեն :

Դիմոկրատէս ասաց . Իշխանին՝ երեք իրս պարտ է ունել 'ի մտի , առ ժամանակսն բնութիւն , առ դիմադարձսն համարձակութիւն , և որք ընդ ձեռամբ են՝ բարեմտութիւն :

Կուտ թագաւոր Ղակեդեմոնացւոցն ասէ ցթրակացիսն որք խրոխտային 'ի վերայ նորա . Եւ իմ տեսեալ է ուղիս հեղեղաց որոտացեալս , այլ առ սուղ ժամանակս :

## Ե

## Արիոչքիւն .

Աղէքսանդր խրատեալ լինէր 'ի բարեկամացն 'ի գիշերի երթալ 'ի պատերազմ . ասէ . Ոչ է թագաւորական՝ գողանալ զյաղթութիւն :

Սա տեսեալ զոմն անուանակից իւր զի երկնչէր 'ի պատերազմի , ասէ . Պատանի գու , կամ զանունդ փոխեա 'ի քէն և կամ զսիրտդ :

## Զ

## Յաղագս ընչից .

Պղտարքոս ասէ . Ոչ զերիվար չարագլուխ առանց սանձաց , և ոչ հարստութիւն առանց իմաստութեան զգուշութեամբ պահէ զունողս իւր :

Ոչ սեղան առանց հացի, և ոչ ճոխութիւն առանց զգաստութեան ունի զհեշտութիւն:

Յօր սլատերազմի երկաթ լաւագոյն է քան զոսկի, որպէս 'ի կենցաղի բան քան զճոխութիւն:

Արիստոտէլ ասէ. Աղքատութիւն բազում ընչից է կարօտ, իսկ ազահութիւն ամենայնի:

Պիսիդոն ասէ. Ոչ զձի ազնիւ գովեն վասն ոսկեկուռ փոկոցն, և ոչ զմարդ վասն ընչիցն. այլ որ առաքինութեամբ և իմաստութեամբ կատարեալք իցեն:

Սոկրատէս ասէ. Արհամարհեա որ ինչս ստանայ և վայելել ոչ գիտէ, քանզի նման են որ ձիս ստանան և վարել ոչ գիտեն:

Վասն երկու սլատճառի ստացիս ինչս. մի՛ զի զհասեալ տուգանս 'ի վերայ քո գիւրաւ վճարեսցես, և միւս՛ զի 'ի վատաբաղդիլ բարեկամի՛ օգնեսցես:

Դիոգենէի հարցին թէ ընդէր ոսկին գեղին է գունով, ասէ. Զի բազում խնդրողս ունի:

Սորա տեսեալ զծառայս Անաբ-  
սիմէի զի բառնային բազում անօթս  
ոսկեղէնս և արծաթեղէնս, ասէ .  
Չամաչէ՞ զայդ ամենայն ունել և  
զանձն իւր ոչ ունել :

Սոկրատէս ասէ . Քրտունք որ 'ի  
կողից իւրոց իցեն, քաջաձեք և գե-  
ղեցիկք են . նոյնպէս և ինչք յիւ-  
րոց վաստակոցն :

Մեծատանց և անառակաց ինչք՝  
նման իցեն թզենեաց որ յանկոխ և  
'ի դժուարին տեղիս իցեն, յորոց 'ի  
մարդկանէ ոչ ոք հասանէ ընդու-  
նել, այլ ագռաւք և թռչունք . նոյն-  
պէս և 'ի նոցանէ բոզք և շոգմոգք  
տանին :

Դիմոկրատէս ասէ . Հանապա-  
զորդ է 'ի վերայ մարդկան ցանկու-  
թիւն ընչից, և յորժամ ոչ են ստա-  
ցեալ՝ այրէ . իսկ որ ստացեալն է՝  
տանջէ հոգովք և թախծեալ տըրա-  
մութեամբ :

Քսենոփանէս զմեծատուն ան-  
հրահանգ՝ աղբ արծաթապատ կո-  
չէր :

## Է

## Արծաքսիքոչրիւն .

Պղիտարքոս ասէ . Կեանք արծաթաթասիրացն նման է սգաւորաց սեղանոյ , որ թէպէտ զամենայն ինչ ունին՝ բայց զայն որ ուրախ առնէ՝ ոչ ունին :

Ոչ խօսք 'ի մեռելոյ և ոչ շնորհք սիրոյ յարծաթասիրացն ոչ է պարտ խնդրել :

Մեղուք առ մեղը , և արծաթասէրք առ շահս վաղ հասանեն :

Կեանք արծաթասիրացն 'ի ցանկութեան շահիցն է . վասն որոյ և յափշտակութիւն ընչիցն՝ որպէս զթափումն արեան զմահ 'ի վերայ ածէ նոցա :

Վղիտարքոս ասէ . Արծաթասիրացն հարստութիւնքն՝ որպէս արեգակն մտանելով ոչ զոք 'ի կենդանեացն ուրախ առնէ :

Երինիմոս զի նախատիւր յումե-  
մնէ թէ զբազում հռետորս ուսու-  
ցանես, և դու աղքատ կեսս, ասէ.  
Սակայն զի ոչ ուսուցի արծաթսի-  
րել:

Դեմոսթենէս տեսանէր զարծա-  
թասէր ոմն մեռեալ տանելով 'ի  
տապան, ասէ. Սա է կեանք ա-  
ռանց կենաց կրթեալ, զի այլոց  
զկեանս իւր եթող:

Մեծատունք ջրգողի նմանեալք  
են. որպէս նոքա լցեալ ջրով ծա-  
րաւի են միշտ, նոյնպէս և սոքա:

Թէոպրիտէս ասէ. Բազումք 'ի  
մեծատանց վերահայեցողք են ըն-  
ջից իւրեանց և ոչ տեարք, քանզի  
անիշխան գոլով ստանին:

Արիստէս նախատեալ լինէր 'ի  
մեծատանէ ումեմնէ վասն աղքա-  
տութեան. և նա ասէ. Աղքատու-  
թիւն զիս ոչ պատմագրէ 'ի չար,  
այլ հարստութիւն քո զքեզ բազ-  
մագէմ և խառնակ ոչ սակաւ պար-  
տաւորեսցէ:

Դիմոնիդեսի հարցեալ թէ հա-  
րստութիւնն իցէ լաւագոյն եթէ

իմաստութիւն , և նա ասէ . Ոչ գիտեմ , այլ տեսանեմ զիմաստունս կանգնեալ 'ի դրունս մեծամեծաց :

Ղուկիոս ասէ . Յերկիր ելայ մերկ , և ընդ երկիր մտից նոյնպէս . ընդէր յունայն փութամ մերկ ըզվախճանն ունելով :

Արիստեմոն ասէ . Որպէս զմի գինի արբեալ , յորմէ ոմանք գինեհարին և ոմանք հեզանան , նոյնպէս և հարստութիւն :

Բէովտոս հանդիպեալ բազում գանձուց՝ անտես առնէր , և 'ի վերայ անցեալ գնայր որպէս զոչինչ տեսեալ :

Մուքինոս ասէր ընդ ումեմն . Եթէ 'ի Պարսիկս էիր ծնեալ՝ ոչ փութայիր բնակել յԵլլագա , այլ անդ կայիր բարեբախտեալ . և արդ յաղքատութիւն ծնեալ՝ ընդէր փութաս հստարտանալ , և չկեսս այնպէս բարեբախտեալ :

Թէողինդէս ասէ . Ոչ աղօթեմ հարստանալ , նա և ոչ ցանկամ . այլ եղիցի ինձ կեալ 'ի սակաւուց և մի ունել ինձ չար :

Սոկրատէս ասէ . Մեծայիացս  
կարծեա մի զայնս՝ որ զմեծագոյնս  
և զլայն ագանին , որպէս թէ կա-  
րողք իցեն , այլ զայնս՝ որ չափա-  
ւորացն իցեն սիրողք , և կարողք  
յորս և ձեռնարկեն :

Ընդ Դիմոկրիտէս հարցեալ ոմն  
թէ ո՞րպէս եղիցի ոք մեծատուն , ա-  
սէ . Թէ ցանկական բնութեամբն  
աղքատ իցէ :

Ի մեծամեծ ախտիցն ազատեալ  
իցեն աղքատքն , 'ի ստառնալեաց ,  
'ի նախանձուէ և յատելութենէ ,  
որում մեծատունք հանասլազ բնա-  
կակիցք իցեն :

## Ը

Յադագս փառաց .

Պղտարքոս ասէ . Տունկք յար-  
մատոց աճեն և փառք 'ի հեզու-  
թենէ :

Արիստոտէլ ասէ . Իշխանութիւն  
մեծ է ոչ ընդունել պատիւ , այլ

արժանի պատուոյ զանձն կացու-  
ցանել :

Սոկրատէս ասէ . Որոց փառաց  
ցանկայ ոք՝ նոցին և բարեաց գոր-  
ծոց :

Աղէքսանդրոս թագաւոր Հնդկի  
ուսմեմն աղեղնաւոր գող , և համա-  
րելոյ ՚ի մատանին հարուլ , հրամայէ  
ցուցանել զայս . և նա ոչ կամեցաւ  
առնել : Իսկ Աղէքսանդրոս բար-  
կացեալ , հրամայեաց սատակել  
զնա , և առեալ տանէին ՚ի տեղի  
սպանմանն , և հարցանէին մեղա-  
դրանօք . ասէ ցտարողն . Ճամանակ  
բազում է՝ յորում զաղեղն ՚ի  
ձեռն ոչ առի , և յանկանելոյն ՚ի  
փառաց երկեայ : Չայս վաղվաղա-  
կի ծանուցին թագաւորին . և նորա  
զարմացեալ յոյժ , արձակեաց զայ-  
րըն՝ ձիր բազում շնորհելով նմա ,  
զի մանաւանդ զմահ յանձն էառ ,  
քան փառացն անարժան երևել :

Թէոփրաստոս ասէ . Չպատիւ և  
զշնորհս ոչ ՚ի ձեռն բանից պարտ է  
խնդրել , այլ ՚ի ձեռն բարեաց գոր-  
ծոց :

## Թ.

Յաղագս Մահոռան .և. փոխելոյ  
'ի կենաց .

Արիստոտէլ ասէ . Ի կենաց աչ-  
խարհիս որպէս 'ի սեղանոյ սլարտ է  
յառնել . ոչ քաղցեալ և ոչ յա-  
գեալ , ոչ ծարաւ և ոչ արբեալ :

Որք 'ի ժամ մահու կտակս գրեն ,  
նման են որք 'ի ժամանակի նաւա-  
կոծութեան զհարկաւոր նիւթս  
որոնեն :

Պղիտարքոս ասէ . Նաւ է մեռա-  
նել՝ քան մեղօք զոգին խաւարեցու-  
ցանել :

Սոկրատէս ասէ . Նաւագոյն հա-  
մարեա զբարւոք մեռանելն , քան  
ապրել չարաչար :

Ռամեսէս թագաւոր , քանզի որ-  
դի նորա մեռեալ էր , և խմաստա-  
սէրք նորա գրեցին այսպէս . Մինչ

ոչ էր, ոչ տրտմէիր, մի և այժմ՝  
յորժամ ոչ է՝ տրտմեսցիս . զի զկնի  
նորա փոքր մի և դու ոչէանաս :

Դիողինէս տեսեալ զոմն ողբա-  
լով զի յօտարութեան մեռանէր,  
ասէ . Զի՞ լաս ունայն . ամենայն  
տեղւոյ ճանապարհ՝ մի է ՚ի դժո-  
խըս (՚ի գերեզման) :

Եւրիպիդէս ասէ . Պարտ է զնոր  
ծնեալս ողբալ, զի ՚ի չարիս գան .  
իսկ զվախճանեալն խնդութեամբ  
յուզարկել :

Եպիկուրոս ասէ . Առ ամենայն  
ինչ զգուշութիւն հնար է . իսկ  
յաղագս մահու ամենայն մարդիկ  
՚ի քաղաքս անպարիսպս են բնա-  
կեալ :

Մոնիոս ասէ . Ի վերայ մեռելոյ  
մի երբէք տրտմեսցիս, քանզի հարկ  
իցէ արդեօք մեռանիլ . այլ ՚ի վերայ  
այնոցիկ որ չարաչար մեռանին :

Սեկունդոսի տեսեալ զոմն զի առ  
վտանգի մահ կոչէր անձին, ասէ .  
Ով դու, ընդէր կոչես զայն, որ  
թէպէտ դու ոչ կոչես՝ ինքնակոչ  
դայ :

Սոկրատէս յասելն ցնա թէ Ա  
թենացիքն վճիւռ մահու հասին 'ի  
վերայ քո, ասէ. Նախ քան զնոսա՝  
բնութիւնս :

Սա հարցեալ թէ զինչ են դը  
ժոխք, ասէ. Ոչ ես անդ երթեալ  
եմ, և ոչ անտի ոք եկն :

Անաքսագորաս ասէ. Երկու վար  
դապետութիւնս գիտեմ վասն մա  
հու. մի՛ զժամանակն որ նախ քան  
զլինելն, և մի՛ զքուն :

Սա գանելով երբեմն 'ի բռնաւո  
րէ, և ասէ. Հարէք զսպարկն Անաք  
սագորեայ, զի զԱնաքսագորաս ոչ  
կարէք հարկանել :

Կուսիանացիքն լան զճնեալսն և  
երանեն զվախճանեալսն :

Սեքստոս ասէ. Արովհետև հոգի  
ոչ թաղի ընդ մարմին, և ոչ է պարտ  
զարդարել զգիական :

Գերեզմանի հաւատարիմ սիրե  
լի ոչ ոք է :

ԶԱնաքսագորաս հարցին թէ ո՛ւր  
թաղեսցուք զքեզ. ասէ. Ես ոչ մե  
ռանիմ և ոչ թաղիմ. իսկ ամանն  
իմ ո՛ւր և ընկեսցի՛ պատշաճ է :

Սեկունդոս զմահն քուն ասաց ,  
և երկիւղ մեծատանց և իղձք աղքա-  
տաց :

Փիլիստոն ասէ . Չհոգի մահ ոչ  
կորուսանէ , այլ անմաքուր կեանք :

Պիւթագորի հարցին թէ քանի՞ն  
է մարդկան կենցաղս . 'ի վեր ելեալ  
'ի տանիս՝ յառեցաւ սակաւ :

Ուրիովն իմաստասէր ասէ . Չար  
է մահ . և զխնոր չար զի ոչ զգամք :

## Ժ

### Վասն շառագորքեան .

Դեմոսթենէս ասէ . Որպէս զցո-  
րեան ոչ 'ի գեղեցիկ գաշտէ և յար-  
տէ գովեմք , այլ որ հաց գեղեցիկ  
լինի 'ի կերակուր , և ոչ զայր 'ի  
յազգէ ազնուէ , այլ որ բնութեամբ  
և յեղանակաւ լաւագոյնք իցեն :

Չսա հարցեալ թէ ո՞յք իցեն քա-  
ջատոհմն , ասէ . Որք յաղթեն փա-  
ռաց և ընչից և հեշտութեանց և

կենաց անցաւորաց . և որ սոցին հա-  
կառակացն վեհագոյնք իցեն՝ աղ-  
քատութեան և անփառութեան ,  
ցաւոց և մահու :

Եւրոպիոզէս ասէ . Եւ ոչինչ է  
բարետոհմութիւն ընչիւք . զի զա-  
մենայն վատթարս ինչք մեծացու-  
ցանեն , և յառաջինսն կացուցին :

Թէոսլիոտոս ասէ . Քաջազգի ա-  
սեմ՝ ոչ որ ՚ի գեղեցկաց և ՚ի բա-  
րեկեցաց իցեն ծնեալ , այլ որ զգե-  
ղեցիկան և զբարին եկեալ գործի-  
ցեն :

Զենոն ասէ . Ոչ է սլարտ ընտրել  
որ ՚ի մեծամեծ քաղաքաց իցեն ,  
այլ որ մեծք ՚ի քաղաքաց ելանիցեն :

Թէոսլիոզէս ասէ . Ի քաջազգու-  
թիւն մի ոք սլարծեսցի . զի մի կաւ-  
ուռնին ամենեքեան ՚ի նախնեաց . որք  
՚ի ծիրանիս իցեն և որք ՚ի խոր աղ-  
քատութեան մահալիցք են :

Սոկրատէս նախատեալ լինէր թէ  
՚ի հարց աներեւանից իցես . և նա  
ասէ . Այդ է իմ գովութիւն , զի  
յինէն սկսանի ազգ իմ :

Եւկլիտոս ասէ . Յոլովք գտանին

կերպիւ քաջատոհմիկ , իսկ մաօք  
վատազգի :

Եպիքարմոս ասէ . խեղդիմ քաջ  
ազգի ասել ումէք , յորժամ բնու  
թեամբ և վարուք վատազգի գոլ .  
զի զինչ հաղորդի կուրի հայելի :

## Ժ Ա.

### Յադագս Լռոչքեան .

Պղտարքոս ասէ . Ձոր լռելն  
խորհիցիս , մի ումէք ասիցես . և զի  
յայլոց պահանջես զհաւատ լռու  
թեան՝ զոր անձին քո ոչ շնորհե  
ցեր : Եւ լռելն ոչ միայն անկարի ,  
որպէս Յովսեպոս ասէ , այլ և ան  
տրտումն և անտագնապ :

Ձենոնի հարցեալ թէ զինչ ա  
սասցուք վասն քո առ թագաւորն ,  
ասէ . Ոչ այլ ինչ , այլ եթէ ծեր  
ոմն է յԱթէնս , ըմպելոյ բաժակի՝  
լռելոյ ունի զկարողութիւն :

Արիստոտէլ ասէ . Որոյ չէ լռել  
նա և ոչ խօսել :

Յրմբել գինւոյ անհնար է լռել :

Սմա հարցեալ թէ զինչ է գը-  
ժուարարգելի ըմբռնել 'ի մարդ-  
կանէ, ասէ. Լռելն զոր ոչ է պարտ  
խօսել:

Սոկրատէս՝ յասելն թէ զայլս ու-  
սուցանես խօսել և գու լռես, ասէ.  
Եւ յեսան ոչ է բնաւորեալ հատա-  
նել, այլ զսուրն սրել առ 'ի հա-  
տանել:

Երկուս արասցես ժամանակ խօ-  
սելոյ. մին՝ զոր գիտիցես յայտնա-  
պէս, և միւսն՝ 'ի հարկէ խօսել. յոյժ  
լաւ իցէ խօսելն քան զլռելն, իսկ  
յայլսն լաւ է լռութիւն:

Ի չար առնէ և 'ի լռկացէ, որ-  
պէս 'ի շանէ գաղտառուէ, 'ի լռե-  
լութենէն պարտ է առաւել երկրն-  
ջել քան թէ 'ի ձայնէն:

Թէ ուրատէս տեսեալ զսրտանի  
'ի սեղանի լռելութեան ճգնելով,  
ասէ. Թէ գիտես վասն որոյ լռեսդ՝  
բարիոք առնես. ապա թէ իրա-  
տեալ իցես՝ անիրատաբար լռես:

Պիտտակոս ասէ. Չոր հանգեր-  
ձեալ իցես առնել՝ մի ասիցես, գու-  
ցէ 'ի չկարելն՝ ծաղր լինիցիս:

Թէ 'ի փրատ ինչ ոք գտցի , լուել  
պարտ է , թէ և խօսնակ ոք իցէ :

Բաժանեա զօրն 'ի գործ , և լուել  
լուծեան մասն հան :

Աղէքսանդրոս 'ի հարցանելն թէ  
ընդէր Ղակեդմոնացիքն սիրեն ըզ-  
պակասաբանութիւն , ասէ . Ձի  
մերձ է 'ի լուելն :

Գիմոկրատէս տեսեալ զոմն զի  
շատ և անհրահանգ խօսէր , ասէ .  
Սա ոչ է թէ խօսել կարող է , այլ  
լուել անկար է :

Սողոն ասէ . Կնքեա զբերան քո  
լուութեամբ , և զլուծիւն ժամա-  
նակաւ :

Սիմոնիդէս ասէ . Կամ զլուու-  
թիւն սրարտ է ստանալ կամ զբան  
օգտակար :

Որք լուեն՝ ոչ երբէք զղջասցին .  
իսկ որք խօսին՝ բազում անգամ :

Ձիոգիւնէս նախատէին զբերան  
ուներով հոտեալ , ասէ . Ի բազմա-  
գէմ սրատեւոյ զանճառելիսն հո-  
տեցաւ բերան իմ :

Կղիտարքոս ասէ . Յօտար ոմանց  
նստելով 'ի սեղանի , հարկիւ պա-  
տուեա զիմաստասէրն :

Դիտնիդէս ասէ . Լաւ է լուել  
քան ունայն ինչ խօսել :

## Ժ Բ

### Բաղդ և Սևբաղդոսքիշն .

Իրոն ասաց . Ոչ հիւանդաց բաղ-  
մահան , և ոչ անմտաց բախտու-  
թիւն օգուտ է :

Հիւանդաց բեռինք , և անմտաց  
բարեբախտութիւն միապէս է :

Բաղդն նման է չար սլսակողի . զի  
որպէս զնա՝ բաղում անգամ զան-  
արժանան սլսակէ :

Բաղդն նման է աղեղնաւորի , որ  
'ի նսլատակն երբեմն 'ի մօտ և եր-  
բեմն 'ի հեռի ընկենու :

Սուկրատէս ասէ . Չի՞ նախատես  
զգիսլուած ուրուք , զի բաղդն հա-  
սարակաց է :

Ժամանակ մարտի երևեցուցանէ  
զճշմարտապէս արիքն , իսկ անբաղ-  
դութիւն զխելօքան :

Կղիտարքոս ասէ . Չանբաղդու-

Թիւն քո թաքո՛ , զի մի զթշնամին  
քո ուրախ արասցես ,

Ոչ ինչ՛ի մարդկայնոցս ստուգա-  
պէս կարծեա . և զայս գիտելով՝ ոչ  
ի բարեբաղդելն քո ուրախասցիս ,  
և ոչ ՚ի վատաբաղդելն տրամեսցիս :

Ազեքսանդրոս տեսեալ զԴիողի-  
նէս զի ննջէր ՚ի կարասի , ասէ . Ո՛վ  
կարաս լի իմաստութեամբ : Եւ նո-  
րա զարթուցեալ ասէ . Ո՛վ թա-  
գաւոր , կաթ մի բաղդի լաւ է ինձ  
և ոչ խելք կարասով , յոր ոչ մեր-  
ձակայիլն՝ վատաբաղդիին խելքն : Եւ  
ոմն ՚ի մերձակայից զայն լուեալ ա-  
սաց . Շիթ մի իմաստից լաւ է ինձ  
և ոչ ծովակս բաղդից :

## Ժ Գ

Գինի և Արբեցոռքիւն .

Պղիտարքոս ասէ . Ապականի աշ-  
խարհս հրով և ջրով , և տունք ար-  
բեցոռաց գինւով :

Դիողինէս ՚ի յոյժ մատուակելն

հեղոյր զգինին , և 'ի մեղադրելն ա-  
սէ . թէ ըմպեմ՝ զինքն և զիս կո-  
րուսանէ . լաւ է սմա միայն կորըն-  
չել :

Կղէտոս առ այն որ ասաց նմա՝  
չամաչէս արբենալ , ասաց . Եւ դու  
չամաչէս զարբեցողսն խրատել :

Սմա հարցեալ թէ զիարդ լայք  
յարբեցու թեանն , ասէ . Չոր ինչ  
յարբեցու թեան՝ դործէ՝ 'ի լուրջ  
ժամու առաջի աչաց ունի :

Ամաքարէս ասէ . Ի մատուռակելն  
բաժակի՝ զառաջինն արբեցես առող-  
ջութեան , զերկրորդն՝ թշնամա-  
նաց , զերրորդն՝ մուկեգնութեան :

Կղիտարքոս ասէ . Անասպակ՝ ըզ-  
բազումս 'ի սակաւէ հարկ է իմա-  
նալ . զի ոչ է թէ 'ի բազմութիւնսն  
հայելով խելագարի ոք , այլ բնու-  
թիւն ըմպողին :

Դժուարին է յորժամ ոք առա-  
ւել քան զոր արբեցէ խօսեսցի . և ոչ  
տեսանելով՝ այլ որսկէս 'ի կար-  
ծեացն :

Քսենոփոն ասէ . Արբեցող կա-  
ռավար և նաւավար և զօրավար մի

են, զի շրջեն զամենայն. Եթէ նաւ,  
Եթէ կառս, Եթէ զօրս, և ոչ ոք 'ի  
սոցանէ ուղիղ վարի:

Մենանդրոս ասէ. Գինի և թըշ  
նամանք՝ դիտել յանդիմանել առ  
բարեկամս զբարեկամացն:

Ի գինուջ մի շատախօս լինիցիս,  
զի ցուցանիցես հրահանգս. քանզի  
կաղ է զոր խօսիսդ:

## Ժ Դ

Շոգմոզք և Շոգմոզոքիշն.

Պղիտարքոս ասէ. Փայտ 'ի հրոյ  
մաշի և տուն 'ի շոգմոզաց:

Որպէս նապաստակի շունք, նոյն-  
պէս և սիրելոյ շոգմոզք:

Խնդալ սլարտ է ընդ տրամեցու-  
ցանէն քան ընդ շոգմոզէն. քան-  
զի նոքա զգաստացուցանեն, և սո-  
քա թոյլս և ծոյլս գործեն.

Ի խոգինէս ասէ. Ի վերայ շոգմո-  
զաց՝ որպէս 'ի վերայ գերեզմանաց՝  
անուռն մարդոյ միայն գրեալ է:

Սմա հարցեալ թէ ո՞ր 'ի գաղա-  
 նաց չարաչար խածանէ, ասէ . Ի  
 վայրենեաց օձ և ինձ, և յընտա-  
 նեաց շողմոգ և զքաղարտող:

Կրասխտաւոտէս զորդի մեծա-  
 տան տեսեալ 'ի մէջ շողմոգաց, ա-  
 սէ . Պատանի դու, ողորմիմ քու՛մ  
 սլաշարմանդ:

Սոկրատէս ասէ . Ատեա զշոգ-  
 մոգան իբրև զմոլորեցուցիչս . քան-  
 զի երկոքինդ՝ զայնոսիկ ոյք հաւա-  
 տան նոցա՝ վաղվաղակի վնասեն:

## Ժ Ե

Վասն պատռոշոյ հարց .

Արիատոտէլ ասէ . Պարտ է որ-  
 դուց սլատուել զհայր առաւել քան  
 զծառայս, զի որդուցն՝ բնութեամբ  
 է հնազանդութիւն, և նոցա 'ի  
 հարկէ:

Սոկրատէս ասէ . Այնպէս լեր  
 առ ծնողս քո, որպէս կամիս լինել  
 առ քեզ զորդիս քո:

Աղէքսանդրոս Թագաւոր 'ի հարցանելն թէ զո՞վ մանաւանդ սիրես, զՓիլիպպոս հայր քո թէ զԱրիստոտէլ վարդապետն քո, և ասէ. Չմինն՝ զի կելոյ եղև ինձ պատճառ, և զմիւսն՝ զի բարիօք կելոյ:

Սմա զծանր հրամանս տայր մայր իւր Ուոմսլիադ, ասէ. Ո՞վ մայր, դառն իմն տնահարկ իննամսեայ ժամանակի սրահանջես յինէն:

Եւրիպիդէս ասէ. Որ 'ի ժամանակի կենաց իւրեանց զծնողս իւր պատշաճաբար պատուեսցէ, նա 'ի կեանս և 'ի մահու՝ Աստուծոյ սիրելի է:

Սողոմնի հարցեալ՝ թէ ընդէր հեւլենացւոց օրէնսդիրքն պատիժ ոչ գրեցին գանողացն զծնողսն, ասէ. Չի ոչ գիտէին թէ յայնքան լրբութիւն գան ոմանք:

Պղատոն տեսեալ զոմն մեծաբանել 'ի վերայ ծնողաց իւրոց, ասէ. Չամաչէս մեծաբանել 'ի վերայ, յորոց մեծաբանելոյ արժանի եղեր:

Ոչ գոյ մեծագոյն սրատիւ զաւակաց՝ քան թէ բարի ծնողաց լինիցին

զաւակք, և ծնողացն զբարի պա-  
տիւ արժանաւորապէս մատուցա-  
նել:

Սոկրատէս ասէ . Որպիսի հաս  
մատուցանես ծնողացն քոց, զնոյն  
'ի ծերութեան քում ընկալցիս  
յորդոց քոց:

## Ժ Զ

Յադագս դաստիարակոչքեան  
որդոց .

Եպիքտիտոս ասէ . Չորդիս քո  
փութիս խրատեալս թողուլ քան  
թէ հարուստս:

Ընդ որդիս մի ծիծաղեսցիս, զի  
մի յետոյ լացցես զնոսա:

Փեսայի թէ հանդիպեցար՝ գտեր  
որդի, ապա թէ ոչ կորուսեր ըզ-  
դուսարն քո:

Դուստր ասացուած օտար է, և  
թշնամանք հօր:

ԶՊիւթագորի զդուստր Արիս-

առտելի հարցեալ, Ո՞ր գոյնն գեղեցիկ, ասէ. Որ յամօթոյ:

Դեմոսթենէս ճարտար՝ ասէ. Ազատ մարդոյ մեծ հարկաւորութիւն է ունել զամօթ. իսկ ծառայի տանջանք մարմնոյ է ունել զամօթ:

## Ժ Է

### Յաղագս օրինաց .

Որպէս մարմին առանց հոգւոյ մեռեալ է, նոյնպէս և հոգի առանց օրինաց մեռեալ է և աւերակ:

Վիւրոսի հարցեալ թէ զո՞վ առտես յանիրաւաց, ասէ. Որ օրինաց ոչ հնազանդին:

Սելեւկոս զուկարացւոց քերթողն և օրէնսդիր, զօրէնս՝ սարդի ոստայնից օրինակէ. քանզի ՚ի սարդի ոստայնն յորժամ ճանճ կամ մթիխ կամ յայլ տկարագունից անկանի, ըմբռնի անդրէն. իսկ յորժամ պիծակ կամ մեղու կամ այլ ինչ յայսպիսեաց՝ վաղվաղակի խզէն

հանդերձելով և առ ոտն հարկանելով . նոյնպէս և օրէնք յորժամ յաղքատաց զոք ըմբռնեն հաւանեցուցանելով ցուցանեն զզօրութիւնսն . իսկ յորժամ 'ի մեծամեծաց կամ 'ի զօրեղաց , խղեն վաղվաղակի և արտաքս ելանեն :

Սողոնի հարցեալ թէ որպէս շինի քաղաք , ասէ . Յորժամ քաղաքացիքն իշխանաց հնազանդին , և իշխանքն օրինաց :

Ուր դեղք բազումք և բժիշկք են , անդ և ցաւք բազմապատիկք . և ուր օրէնքն յաճախեն , անդ և անօրէնութիւնք յոլովք :

Բնութիւն քաղցր՝ ամուր քան զօրէնս . քանզի զնա ոչ ոք կարէ փոխել , իսկ զօրէնս բազումք :

Սոկրատէս ասէ . Օրէնք կամին բարեգործել զժամանակն , այլ սակայն ոչ կարեն . զի առ հնազանդեալսն միայն ցուցանեն զօրութիւնս :

Որպէս փրկութիւն հիւանդաց բժիշկք են , այնպէս և զրկելոցն օրէնքն :

## Ժ Ը

## Յաղագս անառակոսրևան .

Մենանդրոս տեսեալ զոմն զի զոուն հայրենի անցուցեալ էր անառակ սեղանօք, և նստեալ ուտէր պտուղ ձիթենեոյ և ըմպէր ջուր և էր յարևն, ասէ ցնա . Ո՛ր պատանի, թէ այդպէս պարկեշտութեամբ էիր ճաշակեալ, ոչ այդպէս աղքատաբար ընթրէիր, այլ բազում և անուշահամ խորտիօք շատանայիր :

Յոյժ բարեբաղդիկ լինել առաւել քան զարժանն, պատճառք վատաբաղդութեան անմտիցն լինի :

Քսենոփոն ասէ . Ոչ 'ի սկզբանէ հանդիպիլ բարեացն այնպէս չարչարէ, որպէս հանդիպիլն և զրկիլ անդրէն :

Զենոն առ այնոսիկ որ առաւել փափկանային և պարծէին զի շատ

ունէին գանձս, ասէ . Ապա ուրեմն  
 ոչ մեղադրելի են խոհակերքն յաղի  
 առնել զխորտիկն, զի ունին շատ աղ:

## Ժ Թ

Յադագս խրատոռց .

Պղտարքոս ասէ . Օտարքն 'ի  
 ճշմարտութենէ, իսկ անխրատքն  
 յիրէ իւրեանց մոլորին հանապազ:

Պղատոն ասէ . Ամենայն մակա-  
 ցութիւն որոշեալ յարդարութենէ  
 և յայլոց առաքինութեանց, խա-  
 բէութիւն և ոչ իմաստութիւն ասի:

Սոկրատէս ասէ . Որպէս զմեղուն  
 տեսանեմք 'ի վերայ ամենայն ծաղ-  
 կանց նստեալ, սակայն զպիտանին  
 առնու, նոյնպէս ամենայն իրաց  
 պարտ է հմտանալ, սակայն զօգտա-  
 կարն առնուլ:

Պարտ է զբանից գանձարանն  
 պահել քան զընչից:

Իեմոսթենէս զարմատ խրատուն  
 դառն ասէր և զպտուղն նորա քաղցր:

Խրատն բարեշնորհիցն զարդ է,  
իսկ վատաշնորհիցն ասլաւէն :

Զքաղաքս արամբք և ընչիւք, իսկ  
զանձինս՝ ուսմամբ և խրատու պարտ  
է պայծառացուցանել :

Սոկրատէս տեսեալ զոմն մեծա-  
տուն անհրահանգ և առանց խրա-  
տու, ասէ . Ահա ոսկի անասուն :

Եւ ՚ի հարցանել նմա որումն թէ  
զինչ է ՚ի կենդանեացս գեղեցիկ,  
ասէ . Մարդ խրատու զարդարեալ :

Սողոն քանզի նախատիւր թէ ՚ի  
դատաստանի ջատագով վարձեաց,  
ասէ . Եւ ՚ի ժամ ընթրեացն խոհա-  
կերս ստացայ :

## Ի

### Յադագս բժշկաց .

Տրոփիլոսի ասեն ոմանք հարցա-  
նելով թէ ո՞վ իցէ բժիշկ կատարեալ  
և նա ասէ . Որ զհնարաւորն և զան-  
հնար ճանաչէ :

Երինոս ասէ . Բժիշկ և բարեկամ

զայն համարեա որ 'ի նեղութեան  
օգնել կարեն :

Նիկողիոս չար ումեմն բժշկի ասե-  
լով մեծ ունել զօրութիւն յայնմ  
արուեստի, ասէ. Ո՞րպէս ոչ. քան  
զի այնչափ սպանանելով անձին մե-  
ղադրանս ոչ ունի :

Սա զբժիշկ ոմն բարեբաղդ ա-  
նուանէ, ասելով թէ զյաջողութիւն  
և զմանկաբաղդութիւն քո արե-  
գակն տեսանէ, իսկ զսխալանան և  
զվնասն՝ երկիր ծածկէ :

Սա զբժիշկ ոմն գովէր ասելով.  
Յոյժ գիտեմ զհմտութիւն քո և  
գովեմ, զի ոչ թողուս զհիւանդս  
յերկարել 'ի ցաւս, այլ վաղվաղա-  
կի փոխադրես 'ի կենաց :

## Ի Ա.

Յաղագս երդման .

Սոկրատէս ասէ. Պարտ է մար-  
դոյ զբանս՝ վերագոյն երդմանց առ-  
նել : Եւ լինի երդումն վասն երկու

իրաց . մին՝ վասն զի զանձն՝ ՚ի կաս-  
կածանաց աղատել , և երկուն՝ զբա-  
րեկամս հանել յորոգայթից . այլ  
վասն ընչից՝ ոչ եւս :

Որ երգման ընկերին չհաւատայ ,  
դիւրին է նմա և սուտ երգնուլ :

Երինոս ասէ . Բազումք ՚ի մարդ-  
կանէ սրատուիրեն բարեկամացն  
յիրաւին երգնուլ . այլ ես բնաւ ոչ  
թուչել յերգմնասիրութիւն՝ գովե-  
լի ասեմ :

## Ի Բ

Յաղագս մեղաց խոստովա-  
նոչքեան .

Արիստոտէլ ասէ . Ոչ արտաքոյ  
անմեղին կացուցանէ զանձն իւր , որ  
զիւր մեղսն հեզութեամբ խոստո-  
վանի :

Իմաստեանէս ասէ . Ախտք մարդ-  
կան ոչ գովելով և ոչ թաքուցանե-  
լով ողջանան , այլ սրտամելով բժըշ-  
կացի , նոյնպէս և ոչ մեղքն :

Պիւթագորաս ասէ . Չմեղս քո  
մի փութասցիս ծածկել բանիւք ,  
այլ խայտառակաբար յանդիմանութեամբ բժշկել :

Կղիտարբոս ասէ . Ոչ զհօւր ընդ  
հանդերձից 'ի մի պարտ է ժողովել ,  
և ոչ զչարութիւն ընդ երկար ժա-  
մանակաւ 'ի սրտի :

## Ի Գ.

Յադագս նախախնամոչքեան .

Եպիկուրոս ասէ . Ընորհ երա-  
նելի բնութեանն , որ զհարկաւորն  
մեզ դիւրաստացս արար , իսկ ըզ-  
դժուարաստացսն ոչ հարկաւոր :

Թէոպղիմոս ասէ . Մի պատճառ  
չարի զԱստուած կարծիցես , և մի  
առանց նորին վատաբաղդիլ զմեզ  
կարծիցես :

Պղատոն ասէ . Յորժամ խորհի  
Աստուած բարի առնել քաղաքի .  
արս բարիս յարուցանէ , առնէ քա-  
ղաքացիս . իսկ յորժամ չար ինչ

խորհի վասն նորին , բառնայ զբարիսն յայնմ քաղաքէ : Նոյնպէս և ոչ ուսանելով գոլ և ոչ բնութեամբ զառաքինութիւն , այլ աստուածային բանին հասանէ ստացելոցն ամենայնի , և աստուծով՝ բաղդ և ժամանակ զմարդիկ նաւավարեն :

Դիմագրոս ասէ . Որչափ արդարոցն գործակից լինի Աստուած , այնչափ և անխրաւացն :

Բիանդոս ասէ . Ջխնդրողսն յԱստուծոյ խելս բարիս , և զինքեանս անխրատս գոլ՝ անխմայ ասեմ . քանզի ոչ գեղագործողի՝ աղօթիւք տացի գիծ և գեղեցկութիւն նկարից , և ոչ երաժշտականաց՝ երաժիշտ և հագներգութիւն , եթէ ոչ ուսմամբ ընդունին զհմտութիւն արուեստիցն . նոյնպէս և ոչ իմաստուն հնար իցէ ումեք աղօթիւք լինել , եթէ ոչ ուսմամբ ստանալով առցէ :

Ելեւկոս ասէ . Որպէս պատուիրեցաւ և ամենեցուն այսպիսեաց՝ քաղաքաց և քաղաքուհեաց և բնակչաց՝ յիշել զԱստուած զի է , և դա

աաստան արձակէ 'ի վերայ անիրա-  
ւաց՝ յորում լինի վախճան ամե-  
նայնի :

## Ի Դ

Յադագս կնոջ չարաքարոյի .

Սեքստոս ասէ . Ի վերայ չար կա-  
նանց բարւոք է կնիք :

Դիմոկրատէս ասէ . Ընդ իշխա-  
նութեամբ կանանց գրաւիլ մեծ  
նախատինք են :

Կինն Դիմոգինէ 'ի ժողովս կա-  
նանց յասելն ցնա թէ զհարդ 'ի մե-  
ծութեան գողով՝ դու միայն 'ի կա-  
նանց ոչ զգենուս զարդ , ասէ . Կնոջ  
զարդ այն իւր է . զի չէ զարդ այն՝  
որ յոչ գող առն կապտեն զնա :

Պիւթագորաս ասէ . Ի հուր և 'ի  
կին անկանել մի է :

Փիլաքսիոս յասելն ցնա թէ զհարդ  
Սոփոկլէս քաղցրագոյն 'ի ներքս ա-  
ծէ զկանայս , և դու չարս կոչես ,  
ասէ . Նա որպէս սարտ է լինել

կանանց ասէ . իսկ ես՝ որպէս ե՛նն  
կանայք :

Մե՛նանդրոս ասէ . Ղուկիոս վասն  
կնոջն՝ զոր սիրեաց՝ լուսով ճրագի  
կորեաւ . զի կինն նորա ճրագ եդ ՚ի  
ծովեզերին մինչդեռ լողայր ՚ի ծո-  
վուն . դիմեաց երթալ առ կինն . և  
նա անցոյց զճրագն , և հեղձաւ այրն  
՚ի ջուրս անողորմ :

Փիլիստոն ասէ . Չար ինչ քան  
զկինն չկայ . զի հայրն և մայրն որք  
անուցին զնա , յաւելուն և տան ՚ի  
վերայ գլխոյ թախանձանս , և հա-  
նեն ՚ի տանէն զնա , զի ապրեսցին  
՚ի չարէ նորա . և որ ընդունի՝ տա-  
նի տուգանս և չարիս ՚ի աուն իւր ,  
և խնդայ՝ քանզի չէ տեղեակ չարի  
նորա :

Դիոգլինէս ասէ . Տեսի աղջիկ մի  
զի ուսանէր դարութիւն , ասեմ .  
Ահա սուր որ կորուսանէ զմարդիկ՝  
որ ոչ առնուն ՚ի միտ :

Քան զկնոջ մարդոյ երախտիս  
առնել , ՚ի գետ լաւ է ընկենուլ . զի  
չիք կնոջ ՚ի միտ առնուլ զերախտիս ,  
զի ամենայն ցաւոց գոյբժչկութիւն :

Մենանդրոս ասէ . Յայանանէ  
խմա զկին մարդ , և 'ի միտ աւ զչա-  
րու-թիւն . զի զԱգամեմոնն արքայ  
զոր ամենայն աշխարհ սիրէին , ի-  
բրեւ եկն 'ի տուն 'ի պատերազմէ 'ի  
ձեռն կնոջ սպանաւ :

Կին մարդ բնաւին բարի ոչ խօ-  
սի , այլ և ոչ զանձնէ :

Հարիւր այր 'ի միում տան կա-  
րեն կալ , բայց երկու կին 'ի միում  
տան կալ ոչ կարեն :

Չար է կին մարդ , բայց առա-  
ւել յայնժամ՝ յորժամ երկու ա-  
նուանք իցեն՝ կին և մօրու :

Լաւ է ընդ առիւծու 'ի լերինս  
բնակել քան ընդ կնոջ անզգամի 'ի  
տուն :

Թէ կամիցիս կեալ հանգստեամբ ,  
բնաւ հետ կնոջ մի խօսիր :

Կարիճ մի ասաց ցկինն , թէ խայ-  
թոցս չար ոչ է քան զքո լեզուդ .  
— Զիարդ իցէ . — ասէ կարիճն .  
Յորժամ ես խայթեմ , դեղ դտանի .  
խակ դու միով բանիւք չար ցաւօք  
վիրաւորես , և չիք նմա դեղ բժըշ-  
կու-թեան . զի չար՝ զոր դու չառ-

նես, չէ չար. և մահ՝ զոր դու չսպա-  
նանես, չէ մահ:

Փիլիստոն ետես կին մի կոյր.  
Սա ասէ յականէ չարաց է. բայց թէ  
քննիցես՝ չար ևս գտանիցես զկինդ:

Եթէ ասիցէ քեզ կին քո թէ  
խեղդիմ, ծաղր արա զնա. բայց դու  
խեղդելոյ անձին քո պատրաստես:

Սուր և պատերազմ՝ ոչ եղեւ ա-  
ռանց կնոջ, և ահա վկայէ Եղիոն:

Դիոգինէս ետես զԵրակէս զի  
ունէր գաւազան, և կայր առ  
դուրս ապարանից մեծատան. և  
հարցաւ Զի՞ կաս աստ. ասէ. Զի  
չար ինչ և ապականիչ մի մտցէ այսր:  
Հայեցաւ Դիոգինէս և ետես կին  
մի զի ելանէր յապարանիցն, ասէ.  
Ամենայն չար գազանօք լի է ա-  
պարանքդ:

Դիոգինէս ետես կին մի զի տա-  
նէր գետ. ասէ. Կորիցէ չարաչար  
ամենաչարդ:

ԶԺիծառն յամարայնի տեսա-  
նեմք, ձմերայնի ոչ. և ծիծառն ըզ-  
ցայգն ոչ խօսի, այլ զցերեկն միայն.  
Իսկ կին մարդ ոչ զցայգն ոչ զցե-

րեկ, ոչ ամարայն և ոչ ձմերայն ոչ  
դադարէ կամ յագի կռուով:

Տեսէք զյօնս կնոջ և զճօճել մա-  
տանցն և զխօսս բերանոյ, զի երկու  
ինչ չար են 'ի նմա, և ամենայն չա-  
րիք անտի բուսանին:


Քան զամենայն որ ստեղծաւ յեր-  
կրի՝ առաւել չար է կին. քանզի  
գազան չար ընդ զուգակցի իւրոյ  
ունի զխաղաղութիւն, և կին ոչ:

Ամենայն մարդ որ յիւր սեղեաց  
գնայ և 'ի կնոջ մարդոյ ձեռս ան-  
կանի, կրկին կորնչի. մի՛ վասն օտա-  
րութեան և մի վասն կնոջն:

Կին ուտէ և ըմպէ ընդ առն իւ-  
րում, և աչօք առ այլս ակնարկէ:

Տեսի կին մի պառաւ՝ ծարու-  
րեալ և զարդարեալ և օծեալ. ա-  
սեմ. ի կենդանեացս հրաժարեալ  
ես, մայրիկ, և 'ի մեռեալս ոչ բար-  
տք զարդարիս:

Փիլիստոն ասէ. Կնոջ մարդոյ մի  
հաւատար. թէպէտ և մեռեալդնի 'ի  
գերեզմանի, սակայն մի՛ հաւատար:



Խ Օ Ս Ք

**ՍԵԿՈՆԴՈՍԻ ԻՄԱՍՏՍՍԻՐԻ**

Ա Ռ

**ԱՆԴՐԻԱՆՈՍ ԿԱՅՍԵՐ**

U

J  
[  
2  
u  
S  
[  
u  
"  
7  
[  
2  
7

# Խ Օ Ս Ք

## ՍԵԿՈՆԴՈՍԻ ԻՄԱՍՏԱՍԻՐԻ

Ա Ռ

### ԱՆԴՐԻԱՆՈՍ ԿԱՅՍԵՐ

Ընդ ժամանական ընդ այնոսիկ,  
յորում Անդրիանոս 'ի Պարսս եր-  
թայր, և իբրև եկն յԱթէնս, լուաւ  
զՍեկոնդէ եթէ կորովի իմաստա-  
սէր է, և անխօսութեամբ զինքն  
հանճարեալ է. որով և կոչեալ առ  
ինքն բազում աշխատանօք մաքա-  
ռեալ 'ի հարցմունք առակաց, և նա  
ոչ ինչ ետ պատասխանի: Եւ թա-  
գաւորն զայրացեալ ընդ անմեծա-  
րանսն առաջի սիւնկղիսոսին, կո-  
չեաց զսուրհանդակն զի սպանցէ  
զնա, և պատուէր տուեալ ասէ.

Երթ նախ բռնադատեա, եթէ խօսի՝ սպանն. եթէ ոչ՝ կենդանւոյն այսր ածջիր: Եւ դահճապետին վաղվազակի զհրամանն կատարեալ, տանէր ՚ի նալատակն սպանանել. և ասէր. Հասեալ է օր մահու և կենաց. և զմահաբեր վաղակաւորն ՚ի վերայ խաղացուցեալ փայլակն աձև՝ յեղյեղէր ասելով. Բան հաս ՚ի բերանոյդ, և ոչ բարձցի գլուխդ ՚ի պարանոցէդ. խօսքդ յօդս տարածեսցի, և ոչ հեղցի արիւնդ յերկիր: Նա ոչ զերկիւղ մահու զմտաւ ածեալ, և ոչ զշողիւն սուսերին, լուռթեամբ արիանայր. և զինուորին վաղվազակի ածեալ աւաջի թաղաւորին կացուցանէր: Ապա նորա այնուհետև սկիզբն արարեալ սպտասխանուոյ:

Ասէ Անդրիանոս. Զի՞նչ է աշխարհ:

Պատասխանի. — Աշխարհ մեք եմք որ զհաստատու թիւն և զժողովս երկրի ունիմք, և զամենայն որ ՚ի նոսա է:

Զի՞նչ է Աստուած:

— Ինքնածին տեսիլ, որ փակէ զա-

մենայն և ինքն յուժմեքէ ոչ փակի .  
 իմաստ խնդրելի , իմաստուն անմահ :

Ձի՞նչ է ծով :

— Գող աշխարհի , պսակ ծովեղէն .  
 ընդերկարութիւն ջրեղէն , անբաւ  
 հաստատութիւն . մայր աղի , հա-  
 ւաքիչ ամենայն ջրոց , որպէս գօտի  
 զտիեզերօք , աշխարհի ասպնջական :

Ձի՞նչ է եթեր :

— Օդք տարածք և թաթաւունք ,  
 տեսիլ են սուրբ , յատակ , լի հող-  
 մօք բազմութեան . զօրութիւն որ  
 յամենայնն հասանէ . բնութիւն  
 տարած , արեգական յորդորիչ ,  
 ծնիչ հրոյ և ջրոյ :

Ձի՞նչ է տիւ :

— Հանդէս որ լի է աշխատու-  
 թեամբ , շրջանակ երկոտասան ժա-  
 մանակական . սկիզբն ամենայն ցա-  
 ւոց , յորդորումն աշխարհի , երկ-  
 րաժեշտ գործոյ , հողք ծփալիցք ,  
 կենդանեաց համբոյրք առ 'ի մի-  
 մեանս տեսանելոյ . յուշարար ան-  
 դադար , բնութեան հայելի , թիւ-  
 որով յաւիտենականք համարին :

Ձի՞նչ է արեգակն :

— Ակն երկնաւոր, նահատակ գիշերոյ, շրջանակ երկնաւոր. աշխարհի յանդիմանիչ, անմաշ բոց. ըզգեստ պտղոց, անանց ճառագայթ, անպակաս պայծառութիւն, զըտեալ զամպար, երկնային ճանապարհորդ:

Զինչ է լուսին:

— Վարմրութիւն երկնաւոր, մխիթարիչ գիշերոյ, անդոց ճանապարհորդ, նաւորդաց մխիթարիչ, հաստատեալ ՚ի յօդոյ. բոլորակ՝ որում չհասանի ոք. անծագ տեսիլ, կենդանեաց հանդէս, սրահսպանորդ գիշերւոյ, դայեակ անձրևոյ, մայր պտղոց, յաւիտենից նշանակ:

Զինչ է մարդ:

— Նման Աստուծոյ, մարմին հոգեկիր և մտաւոր. տաճար հոգւոյ, դոյզնժամանակեայ տեսիլ, գործի աճառապինդ՝ ոսկերբք և ջլօք և այլովքն հանդերձ. դէտ աշխարհի, բաղդի խաղալիկ, բարի հարեւանցիկ, կենաց մաշիչ, փոխանակի յաշխարհէ. ինքնայօժար յամենայն, արհամարհիչ ամենայնց, տեսիլ յաւիտենական:

Զինչ է գեղեցկութիւն :

— Նկար բնութեան, և բարի յանձնէ ունի . ստացուած որ անցանէ, ծաղիկ որ թարշամի . դրոշմած շունչաւոր, տեսիլ ցանկալի :

Զինչ է սէր :

— Խնդիր բարեաց, մարտ աներեւոյթ, վարանելոց մխիթարութիւն, թիկունք թշուառականաց, ինչ մի՞ որ ամենեցուն սխտոյ է և ոչ է՝ ի միջի :

Զինչ է կին :

— Առն մխիթարութիւն, ընտանի դազան, ոգւոց սլառճառք, իժ ըզգեստիւ սլատեալ . ինքնայօժար ՚ի կոխ, հանասլազորդեան լնաս ՚ի տանն, ձմեռն անժոյժ, առն ընկրղմումն, աչխարհի կործանումն, սուր որ ոչ տայ զգալ, կռիւ բազմագիմի, կենդանի չար . սատար ՚ի ծնունդս մարդկան, սրբաւանդ աներեւոյթ :

Զինչ է մեծութիւն :

— Բեռինք ոսկեղէնք, ցանկութեանց արբանեակ, անիրաւ վայելչութիւն, կապեալ ընդ երկիւղի, կասկած անդուլ, ագահաց թշուա

ուութիւն, երկն հանապազորդեան,  
 իրք դիւրափոխ, բազմաց ըզձալի,  
 անդաժոյխաստք, ծփումն անդուլ,  
 փոփոխումն անդադար . իրք են ա-  
 մենեցուն նենգի և վնասի . հոգք  
 վերադրեալք 'ի մարդկան կամակա-  
 րութենէ :

Ձի՞նչ է աղքատութիւն :

— Բարի ատեցեալ, մայր առողջու-  
 թեան, խափանիչ ամենայն ցանդու-  
 թեանց . վարք անհոգք, անխաբ  
 ստացուած, վարդապետութիւն  
 հնարեալ, գտակ իմաստութեան,  
 ստացուած որիչ 'ի զրպարտէ . աջո-  
 ղուած՝ որ զկնի ոք ոչ ընթանայ .  
 գանձ հաստատուն, բաղդ անհոգ :

Ձի՞նչ է նաւավար :

— Ալեաց ճանապարհորդ, ծովու  
 մշակ, հողմոց ուղեկից, աշխարհի  
 օտար, ձմերայնւոյ նահատակ, նա-  
 շահանդիստ սքանչելի, զուղորդ  
 մեռելոյ, կցորդ կորստեան, ծովա-  
 կանայ մենամարտիկ, ինքնայօժար  
 'ի մահ :

Ձի՞նչ է նաւ :

— Գործի երեւուն, տուն առանց

հիման, հմայեալ գերեզման, խաբեբայ տախտակ, հողմոց սւղեկոց, բան թուուցեալ. բախտ կապեալ, խաղալիկ հողմոց, զուղակ գերեզման, թուչուն փայտեղէն, ձի ծովեղէն. աներեւոյթ փրկութիւն, նիւթոյ գործ, կորստեան ակնկալութիւն:

Ձի՛նչ է միայնակեցութիւն:

— Մահ՛ի վաճառումն, նահատակի զենումն, ինքն գիմեալ՛ի մահ. բախտի բեկումն, վարդապետեալ թշուառութիւն. պարայաղթութեան հնարք:

Ձի՛նչ է մշակ:

— Եամանակաց արբանեակ, անձրեւաց մտտակարար, սնունդ վարիառանց ծովու վաճառական, ծառոց տնգիչ, աղքատութեան հոյկապ. բժիշկ հողմոց, ժամուց դաստիարակ:

Ձի՛նչ է քուն:

— Աշխատութեանց հանգիստ, բժրչկաց սատար, կասկեւոց լուծումն, տքնեցեւոց խնաստք, հիւանդաց իղձք, մահու պատկեր, ուսումն հանապաղորդեան:

Ձինչ է ծերութիւն:

— Դիւրագիւտ չար, կենդանի ճաղ-  
ճամահ, սպասիկ մահու, քնալից  
ծաղը, ապշութիւն առ իմաստու-  
թեանց օտար. սրահակ ցարոյ, ցան-  
կութեանց օտար, մեռեալ զեռուն:

Ձինչ է մահ:

— Քուն յաւիտենական, քակտումն  
մարմնոյ, հիւանդաց խնդրուածք,  
թշուառականաց իղձք, հոգւոյ հե-  
ռացումն, մեծատանց երկիրդ, աղ-  
քատաց սլանծալի. քակտումն ան-  
դամոց, հայր բնոց, հրաժեշտ յա-  
մենայնէ:



# Յ Ա Ն Կ

ՊԱՏՃԱՌԻՔ ՍՈՓԵՐԱՅ ՀԱՅԿԱ ԿԱՆԱՑ .	5
Ա . Իմաստութիւն .	9
Բ . Ուսումն .	14
Գ . Բարեկամութիւն և Բարեկամք .	16
Դ . Իշխանութիւն և Իշխանք .	20
Ե . Արիութիւն .	
Զ . Յաղագս ընչից .	23
Է . Արծաթսիրութիւն .	26
Ը . Յաղագս փառաց .	29
Թ . Յաղագս մահուան և փոխելոյ 'ի կենաց .	31
Ժ . Վասն լաւազգութեան .	34
ԺԱ . Յաղագս լուութեան .	36
ԺԲ . Բաղդ և Անբաղդութիւն .	39

ԺԳ. Գինի և Արբեցուծիւն .	40
ԺԴ. Հողմոգք և Հողմոգու- ծիւն .	42
ԺԵ. Վանն սլատուոյ հարց .	43
ԺԶ. Յաղագս դաստիարակու- ծեան որդւոց .	45
ԺԷ. Յաղագս օրինաց .	46
ԺԸ. Յաղագս անառակու- ծեան .	48
ԺԹ. Յաղագս խրատուց .	49
Ի . Յաղագս բժշկաց .	50
ԻԱ. Յաղագս երգման .	51
ԻԲ. Յաղագս մեղաց խոստո- վանուծեան .	52
ԻԳ. Յաղագս նախախնամու- ծեան .	53
ԻԴ. Յաղագս կնոջ չարաբա- րոյի .	55
Խօսք Սեկոնդոսի խմաստասի- րի առ Անդրիանոս կայսեր .	63

10

2

3

5

6

8

9

0

1

2

3

5

3

